



Art. 1

La lubientscha da pescar ei persunala e vala sco legitimaziun ufficiala.

Tgi che vul aquistar ina lubientscha da pigliar pèschs sto cumparovar ch'el ha enconuschientschas sufficientas dils pèschs e dils giombers e ch'el posseda gl'attestat davart las enconuschientschas dalla materia conform al schurmetg dils animals (Sachkundenachweis). Quellas disposiziuns valan per aquistar lubientschas dil meins e digl onn.

Patentas dil di e dall'jamna san ins aquistar senza gl'attestat davart las enconuschientschas dalla materia. Avon ch'entscheiver a pescar ei il pescadur denton obligaus da leger la broschura d'informaziun ch'el retscheiva cun cumprar la patenta, sco era las prescripiuns da pesca dil cantun Grischun.

Art. 2

Duront che la persuna ei vidlunder da pescar al Lag Grond sto ella purtar cun sesez la patenta da pescar, sch'ei drova gl'attestat davart las enconuschientschas dalla materia conform al schurmetg dils animals (Sachkundenachweis), la statistica dalla preda (carta, cudischet) sco era ina carta d'identitad valeivla. Quels documents ein da mussar als organs dalla survigilonza da pesca sin lur giavisch. (prescripiuns da pesca 2020 art. 6)

Scadin pèsch pigliaus ei da registrar ella statistica dalla preda. Pèschs lubi ein d'importar immediatamein suenter la pescada, pèschs buca lubi sil pli tard suenter ch'ins ha bandunau la riva dall'aua. Ils imports ston esser cumplerts e senza sbagls (lescha cantunala FBV 2020, art. 39).

Art. 3

Ins astga pescar sulettamein els loghens ch'ein signalisai cun ina petga cotschna. Plinavon eis ei da dar adatg da buca donnegiar la zona dalla riva (garda, praus).

Art. 4

Per donns ed accidents persunals refusa la vischnaunca da Laax scadina responsabludad.

Art. 5

Igl ei lubiu da pescar mo naven dalla riva, culla

lontscha e cun fierer ell'aua il crutsch. E quei mintgamai mo cun ina lontscha per persuna. Vid il fil ni vid il vierm resp. l'estga astg'ins buca pender pli che treis crutschs. Ellas auas grischunas eis ei scumandau da duvrar lontschas cun cuntercrutschs (mira (FBV 2020 I art. 26)

Art. 6

Las tincas (Schleie, Tinca tinca) ein protegidias. La mesira minimala per glischuns (Hecht, Exox lucius) ei 40 cm e litgivas (Bachforelle, Salmo trutta fario) 24 cm.

Art. 7

Sch'ins pren enta maun pèschs lubi ch'ins peggia ei quei da far cun mauns bletschs. Igl animal ei da durmentar immediat cun ina frida sil tgau. Suenter eis el da mazzar cun tagliar tras la brantscha (Kiemenschnitt) e prender ora il dadens. Pér suenter astg'ins sligiar il pèsch dalla lontscha. Pèschs vibs astg'ins ni conservar ni prender a casa (mira FBV 2020 I art. 31)

Art. 8

Sco pèsch d'estga astg'ins duvrar el Lag Grond sulettamein frillas (Elritze, Phoxinus phoxinus) mortas.

Art. 9

La pesca ei lubida digl 1 da matg tochen ils 31 d'october, mintga di denter las 05.00 e las 22.00. Duront la stagiu da far bogn, digl 1 da fenadur tochen ils 20 d'uost, astg'ins buca pescar dallas 10.00 tochen las 17.00.

Art. 10

Giuvénils astgan ir alla pesca igl onn ch'els cumpleneschan 14 onns. Il dretg d'accumpignar in pescadurs/ina pescadura e da pescar sut survigilonza dalla persuna maiorena cun patenta ed attest (Sachkundenachweis) han sulettamein dus giuvénils tochen 13 onns. Decisiv per la limita da vegliadetgna ei gl'onn calendar. Tier la pesca cun accumpignament astg'ins duvrar il medem mument maximalmein duas lontschas.

Pèschs pigliai ein da registrar ella statistica da pesca dalla persuna da survigilonza, els vegnan quintai tier in eventual contingent dil di (mira

FBV 2020 I art. 10).

Art. 11

Pigliar giombers e conchiglias ei buca lubiu.

Art. 12

La carta da statistica che vegn surdada a persunas che retraijan patentas dil di, dall'jamna sco era 14 patentas ei da suttascriver. Enteifer 7 dis suenter ch'ins ha pescau la davosa gada ston ins tarmetter anavos ella culla carta da correspondenza respectiva.

Il carnet da statistica che vegn surdaus als pescadurs/pescaduras dallas ulteriuras categorias, ei da suttascriver e da tarmetter anavos tochen sil pli tard ils 15 da november (ei vala la data dil bul da posta).

La carta da statistica ed il carnet da statistica ein da returnar tenor norma era sch'il pescadur/la pescadura ha pigliau negins pèschs, ni insumma buca pescau (mira FBV 2020 I Art. 40).

Tier la cudischaziun electronica dalla statistica da preda ei da tener en ils pass fixai. Cun la memorisaziun confimescha la pescadura ni il pescadur la correctadad dallas indicaziuns fatgas.

Art. 13

Sch'ellas giudicheschan ei sco necessari, han la survigilonza da pesca e la suprastanza communal da Laax da tut temps il dretg da limitar ni da sistir la pesca.


A persunas culpontas che cunterfan a quellas prescripziuns presentas san ins prender naven la lubientscha da pesca.

taxas	carschi naven da 18 onns	affons e giuvenils naven da 14 onns
Lubientscha A dil di	frs. 15.-	frs. 10.-
Lubientscha B dall'jamna	frs. 40.-	frs. 25.-
Lubientscha C per 14 dis	frs. 50.-	frs. 35.-
Lubientscha D dil meins	frs. 65.-	frs. 45.-
Carta E stagiunala (1 da matg – 31 d'october)	Fr. 150.-	Fr. 65.-
Carta F stagiunala per indigens (residenza a Laax, (incl. persunas obligadas alla taglia a fontauna)	Fr. 10.-	Fr. 5.-

Relaschau dalla suprastanza communal
ils 14 da settember 2010,
revediu ils 17 d'avrel 2020.
Plinavon sefundond sin prescripziuns cantunalas

En num dalla suprastanza communal Laax

Il president communal: Franz Gschwend
Il scarvon: Rest Giacun Coray

<p>Il glischun / der Hecht = HE // min. 40 cm</p>  <p><small>Hecht, Brochet, Lucio Esox lucius, 40-120 cm</small></p>	<p>La carpa d'argien / der Silberkarpfen = SK</p> 
<p>La litgiva d'ual / die Bachforelle = BF // min. 24 cm</p>  <p><small>Bachforelle, Truite de rivière, Truite commune Salmo trutta fario, 25-40 cm, f.</small></p>	<p>La pertga / der Barsch (Egli) = FB</p>  <p><small>Fischbarsch, Perche, Poisson persica Perca fluviatilis, 20-35 cm</small></p>
<p>La carpa / der Karpfen = KA</p>  <p><small>Karpfen, Carpe, Carp Cyprinus carpio, 40-90 cm</small></p>	<p>La plotra / das Rotauge = RA</p> 
<p>La brama / der Brachsmen = BR</p> 	<p>Il scardun /die Rotfeder = RF</p>  <p><small>Rotfeder, Rotauge, Scardole Scardinius erythrophthalmus, 20-30 cm</small></p>
<p>La tinca / die Schleie = SL scumandau</p>  <p><small>Schleie, Tanche, Tinca Tinca tinca, 30-50 cm</small></p>	<p>Limita da pescar: 10 pèschs a di</p>

Per decider la mesira dils pèschs pigliai ein tals da mesirar naven dil péz dil tgau tochen tiel péz dallas squamas stendidas naturalmein.